

Ndzavisiso wa swa Vugevenga wa IRS na SARS va hlangana ku lwa na milandzu ya misava hinkwayo

WASHINGTON na PRETORIA - Xiyenge xa Ndzavisiso wa Vugevenga xa Vukorhokeri bya Xibalo xa le Ndzeni (IRS-CI) na swiyenge swa nsindziso wo landzelerisa xibalo swa Vukorhokeri bya Xibalo bya Afrika-Dzonga (SARS) swi hlanganile ku lwa na na milandzu ya xibalo na ya ikhonomi leyi khumbhaka matiko hamambirhi.

IRS-CI na SARS swi tirha swin'we ku boxa, lavisisa no yisa vululami eka swigevenga leswi nga na vuxaka ma matiko hamambirhi. Vugevenga byin'wana lebyi nga ku lavisisiweni byi katsa vukungundwana bya mani na mani bya misava hinkwayo, vuxisi bya le ka inthanete na mbhasiso wa mali hi ndlela leyi nga ri ki enawini. Xinakulobye lexi xa ha ku vumbiwaka se xi vhumbhunurile swikimi leswi swa ha ku tumbulukaka leswi vangiwewe hi vahlohloteri, vakotisi xa xiphurofexinali na mavandla na swa timali.

"Nyimpi ya misava hinkwayo ehenhla ka milandzu ya swa timali a hi yona leyi nga lwiwaka hi tiko rin'we ri ri roxe. Xinakulobye xa hina na Vukorhokeri bya Xibalo bya Afrika-Dzonga ku nga ri khale xi ta humesela ehandle mimbuyelo ya matirhelo lama kotisiweke hi matshalatshala ma hina ma nhlngano wa matimba na ntirhisano," ku vurile Guy Ficco, Mulawuri wa Mitirho ya Misava Hinkwayo wa IRS-CI. "Vahakelaxibalo na vaphurofexinali va xibalo lava tirhisaka swikimi swa le ntsungeni wa malwandle na swin'wana swa vutlharhi ku papalata U.S. na milawu ya le Afrika-Dzonga swi ta vhumbhunuriwa no sengisiwa hi matimba hinkwawo ma nawu."

"SARS yi amukela ntirhisano na IRS, ngopfungopfu na nkongomiso wa hina lowu pfuxetiweke eka vanhu va switsutsu lava nga landzelerisiki na tikhamphani ta le ntsungeni wa malwandle. Xin'wana xa swikongomelo swa hina swa kungu i ku endla swi olova eka vahakelaxibalo ku landzelerisa swiboho swa vona swa xibalo no endla swi tika no durha eka lava nga landzelerisiki hi vomu," ku vurile Khomixinara wa SARS, Edward Kieswetter. "Hi tshembha leswaku xinakulobye lexi xi ta tshovela mbuyelo, nakambe hi tlhelo ro tiyisisa tisetete ta vuswikoti bya hina bya le ndzeni loko hi lwa na migingiriko leyi nga ri ki enawini leyi khumbhaka matiko ma hina hamambirhi.

Xiphemu lexikulu xa tshalatshala ra ntirhisano exikarhi ka matiko lama mbirhi xi katsa pfhumba ra ndzetelo leri ya ka emahlweni leri rhangeriweke hi IRS-CI. Ejensi ya xibalo ya U.S. yi ya emahlweni yi avelana maqhingha ya ndzavisiso wa swa timali, ku letela vaofisiri va vahlayisi va nawu va le Afrika-Dzonga na vatirhi va mfumu no kombisa mindzavisisondzizingeto ya misava hinkwayo leyi ahluriweke leyi faneleke matiko hamambirhi.

Loko n'hweti ya ha sungula, IRS-CI yi humesile *webinar* ya ndzetelo wa mpapalato wa xibalo wa le ntsungeni wa malwandle wa kwalomuya ka 40 wa vaofisiri va nsindziso wo landzelerisa xibalo. Ndzetelo wu kombisile xikimi xa phiramidi lexi kombiseke mipimpo yo tsema nhlana ya mankolo, vuxisi na matshalatshala mo biha ma ntirhisano lama fambisiwaka hi mabindzu. Ndzetelo wu katsile tindhawunyingi ta milandzu ya swa timali ya matikohinkwawo ngopfungopfu eka swikimi swo banga swa le ntsungeni wa malwandle, mpapalato wa xibalo na ntshamaxikungu.